

陽武縣志卷之九

人物志

賢材之生也處則羽儀人倫出則謀斷國是固非
曠百世而一邁也現行峰曲疊夫河深迴秀育靈
鐘有不層見數出乎自炎漢及唐宋上者翊贊興
王運籌帷幄爵通侯食租衣稅次亦宅揆百執功
施爛然代有其人追勝國易選舉而興帖括異等
巍科聳然於士版者不可勝數是皆邦之紀國之
楨也志人物



50917764/96

事功

蒼頡

按禪通紀云史皇氏蒼帝名頡有睿德生而能書
及長登陽驢山臨洛水之汭靈龜負書丹甲青文
蒼帝受之遂窮天地之變仰觀奎星園曲之勢俯
察龜文鳥羽山川掌指而叙文字文字成天爲雨
粟鬼爲夜哭生陽武而葬利鄉又按同州志白水
有陽武村村之西有利鄉亭至今土人呼爲史官
村生陽武而葬利鄉蓋俱在出水也而白水又有



見忠烈

毛穆之字憲祖寶之子爲安西將軍庾翼參軍轉建武司馬又從平蜀有功封建安侯累遷葬州刺史卒贈中將軍謚曰烈子五珍嗣位官至天門太守璩自有傳璩任至梁州刺史璠任至寧州刺史瑗繼兄之任亦至寧州刺史

毛安之字仲祖有武幹爲撫軍參軍魏郡太守簡文時拜游擊將軍孝武卽位遷右衛將軍卒贈光祿勳子潭爲江夏相泰爲冠軍將軍遠爲游擊將軍

遁爲太傅主簿俱有名于時

毛瓌字叔連穆之子宮至征西將軍卒追封歸鄉侯
見忠烈

南北朝

毛修之字敬文陽武人也祖穆之父瓌竝益州刺史

父瓊梁秦二州刺史修之事桓元爲屯騎校尉隨

元西奔元欲奔漢川修之誘命入蜀焉遷斬之於

枚涸洲修之力也宋武帝以爲鎮軍諮議累遷相

國右司馬

梁

毛喜字伯武少好學善草隸仕陳累官給事黃門侍郎兼中書舍人典軍國機密以定策功封東昌縣侯後主時出爲永嘉內史尋徵爲光祿大夫領左驍騎將軍道卒有集十卷子處冲嗣

唐

韋思謙名仁約以字行高宗朝舉進士仕至肅政大夫封博昌男有傳見藝文祠鄉賢

韋承慶字延休思謙子少恭謹事繼母以孝聞弱冠

舉進士補雍王府叅軍府中文翰皆出于承慶辭藻之美擅於一時累遷太子司議郎時太子頗近聲色與戶奴等款狎承慶上書諫又嘗爲諭善箴以獻太子太子善之調露初東宮廢出爲烏程令風化大行長壽中累遷鳳閣舍人兼掌天官選事承慶自天授以來三掌天官選事銓授平允海內稱之卒贈秘書監謚曰溫

韋嗣立字延構思謙子見孝行

韋長裕承慶子官膳部員外郎

韋孚嗣立子官左司員外郎

韋恒嗣立子開元初爲碭山令爲政寬惠人吏愛之
會車駕東巡縣當供帳時山東縣皆懼不辦務鞭
朴恒獨不杖罰而事皆濟理遠近稱焉擢拜殿中
侍御史歷隴右道河西黠陟使恒至河西時節度
使蓋嘉運恃託中貴公爲非法兼僞叙功勞恒抗
表請劾之人代爲懼因出爲陳留太守未行而卒
時人惜之

韋濟嗣立子早以辭翰聞開元初調補鄆城令時有



以直道進議論持正有操守當時風教所及數倚
賴焉爲長慶名卿云

宋

李穆字孟雍博學性至孝不爲矯飾態仕周爲右拾
遺入宋遷翰林學士終叅知政事遇後進常加級
引士論以此多之卒之日帝聞之嘆曰安有憂國
奉公如李穆者乎祀鄉賢弟肅亦舉進士累官保
靜軍推官嘗作樂章詞多商雅子惟亦多才藝然
不樂仕進真宗召拜太子中允致仕

王文寶太平興國初爲軍器庫大使嘗使契丹會陳
洪進獻漳泉地以文寶監泉州兵羣盜大起文寶
平之以功領媽州刺史歷知涇延討平遼寇累遷
高陽關兵馬鈐轄卒于官

時 彥字邦美舉進士第一崇寧中以戶部侍郎兼

寶錄修撰擢知開封府時都城多盜捕得則皆以
卒吏憚於移問往往畧之彥始請以公平爲驗否
則拘繫之以俟報坊邑少安獄至屢空遷兵部尙
書兼侍讀學士尋進吏部尙書入祀鄉賢

元

李保保有勇畧至元末從察罕帖木兒起義兵復羅
山縣除澤州路治中尋轉樞密院知院守石州累
遷至平章政事

論曰太上立德其次立功蓋人克自振雖一命之吏
心懷利物必有所濟况亮天工熙庶績建鴻猷垂
後烈者乎陽邑地本中土代有偉人功業卓卓彪
炳史策士君子讀書懷古景仰維殷寧敢曰人往
風微置而不論哉

薦舉

明

馬守中

洪武元年以秀才舉任獲嘉縣縣丞歷官至右僉
都御史所至皆有政聲

趙敬

以幹濟選任太僕寺丞

張純

洪武三年以人材舉任浙江杭州府知府

祁伯祥

洪武四年以人材舉任山西聞喜縣主簿

梁從道

洪武十九年以人材舉任內川成都府知府

高仲德

以孝廉舉任鹽運司副使

劉質

以賢人君子舉任福建延平府推官

劉敬

以秀才舉歷官五軍都督府斷事

張恪

以願入太學舉任至四川閬中縣知縣

劉執中

以人材舉任直隸清河縣主簿

陳忠

以秀才舉任廣西來賓縣縣丞

王顯

以秀才舉任山東淄水縣知縣

馮義

由稅戶人材舉任山東壽光縣知縣

張惟善

由老人舉任江西建昌府知府

張瑄

由人材舉任直隸廣平府經歷

崔榮

由人材舉任直隸新樂縣縣丞

任全

由人材舉任山東陽信縣縣丞

馬雄

由人材舉洪武二年任監察御史

國朝

馬世名

由茂材舉順治二年任杞縣訓導

王夢麟

字振公永祚子

以賢良方正薦雍正八年

欽命山東以知縣試用